

GLENCORE

**PHOLISI YA
TEKATEKANO
YA DITSHONO**



Matseno

Go dira gore botlhe ba ditshono ka tekatekano ga se fela selo se se tsjwanetseng go dirwa mme go siametse kgwebo. Go dira gore Glencore e kgone go gogela, go boloka, go tlhabolola le go rotloetsa talente e e siament thata go tshegetsa kgolo ya kgwebo gongwe le gongwe koo e direlang teng.

Tekatekano ya ditshono e kaya go dira gore go nne le lefelo la tiro le mo go lone mongwe le mongwe a ka kgonang go fitlhelela bokgoni jwa gagwe ka botlalo, koo mekgwa ya HR e theilweng mo go se gobeleteng le motheo o o tsepameng, koo go senang dithibedi tsa ditshono tsa khiri, tlhabololo le kgatelopele ya modiri ope mo tirong ya gagwe ka ntlha ya ditshwetso tse di seng kafa molaong le tse di sa siamang le koo batho ba ikutlwang ba babalesegile go ka bua fa dilo di ka tswa di lebega di sa dirwe sentle.

Kwa kutung ya tsela eno ya go berekana le dilo ke ntlha ya gore Glencore e lebeletse gore mongwe le mongwe a ntshe ga tshwene, a bereke ka natla le go nna le seabe mo kgolong le mo tsamaisong ya kgwebo. Ka mo go tshwanang, Glencore e tla naya ditshono tsa kgatelopele e e theilweng mo mekgwatsamaisong ya kgwebo e e sa gobeleteng, e e mosola le e e dirang sentle mme e tla tlhama tikologo ya tiro e e kgontshang go tloswa ga dithibedi tsa go batlana le ditshono tsa khiri.

Ka Tekanyetso ya rona ya Motlamedi, re rotloetsa batlamedi ba rona go tlotla Mokgatlo wa Boditšhabatšhaba wa Babereki wa Ditekanyetso tsa Konokono tsa Babereki le go tshwara babereki ba bone ka go se gobeleteng le ka tlotlo, go tsamaisana le melaometheo ya pholisi eno.

Pholisi eno e dira mo go bomang?

Pholisi eno e dira mo babereking botlhe, bakaedi le badiredi, ba ba berekelang ofisi ya Glencore kgotsa thuo ya bodirelo e e laolwang ka tlhamalalo kgotsa e se ka tlhamalalo kgotsa e e dirisiwang ke Glencore plc lefatshe lotlhe.

Re tlhomamisa tlhotlheetso ya rona mo ditsamaisong tsa kgwebo tsa bomphato tse re sa di laoleng ka go ba kgothaletsa go diragatsa tiro ka tsela e e tsamaelanang le boikaelelo jwa pholisi eno.

Maitlamo a rona ke eng?

Re naya babereki ba rona ditshono tse di lekalekanang go sa kgathalesege lotso, mmala, bodumedi, bong, tshekamelo mo go tsa thobalano, boitshupo jwa bong kgotsa go itlhalosa, boemo jwa lelapa, boimana, dingwaga, tlhologo ya bosetšhaba kgotsa kokomana, seemo sa bogole, leloko la babereki, tumelo mo dipolotiking kgotsa diponagalo dipe fela tse di sireleditsweng go ya ka molao.

Re tlotla tshwanelo ya babereki ba rona ya kgololesego ya go nna leloko la mokgatlho wa ditshwanelo tsa babereki le tshwanelo ya kemedi ya ditherisano tsa babereki mme re rotloetsa dikamano tsa tiro tse di sa fitlheng sepe le tirisanommogo.

Re dirisa mekgwa ya go hira le ya babereki e e nayang tekatekano ya phitlhelelo ya ditshono tsa khiri tumalanong le melao ya selegae le e e akanyetsang dingwao tsa selegae.

Re naya maemo a tiro a a sa gobelegeng le a nang le tekatekano go babereki, tumalanong le ditlhokafalo tsa selegae.

Re tsenya tirisong le go tsamaisa ka tsela e e sa gobelegeng le e e dirang sentle ya mekgwatsamaiso ya tshekatsheko e e theilweng mo tiragatsong malebana le khiri, go kgethiwa, go tlahabololwa, go tlihatlosiwa maemo, le go hirwa e le go ngoka, go boloka le go tlahabolola talente e e siameng thata.

Re ikemiseditse go simolodisa lefelo la tiro le le sa gobelegeng le le nang le tekatekano le ditekanyetso tse di kwa godimo tsa tiragatso.

Re dumela mo molaomotheng wa tuelo e e lekalekanang ya tiro e e lekanang ka boleng le go nna le seabe.

Re dira gore babereki botlhe ba kgone go bona kafa dipalo tsa dituelo di dirwang ka gonele go se fitlhe sepe mo go tsa tuelo tumalanong le melawana le dipeelo tse go dumalanweng ka tsone le tse di kafa molaong tsa tiro e e diragaditsweng tumalanong le ditekanyetso tsa lefatshe lotlhe le ditlhokafalo tsa selegae.

Re naya babereki melawana ya go se nne teng mo tirong, go ema kgotla e le nngwe fela, le go rola tiro tumalanong le ditekanyetso tsa selegae

Re tsenya tirisong mekgwa ya go kgontsha babereki go ntsha matshwenyego ka tsela e e seng ya tlwaelo kgotsa e e leng ya ka tlwaelo mo lefelong la selegae le la Setlhopa.

Go bua ntle le go fitlha sepe

Mongwe le mongwe wa rona o na le boikarabelo jwa go netefatsa gore re fitlhelela maitlamo a rona. Glencore e lebeletse gore babereki ba yone le borakoonteraka ba bue ntle le go fitlha sepe le go bua fa ba tshwenyegile ka se go lebekang e le go tlolwa ga Melao ya Boitshwaro le pholisi eno ba bua le batsamaisi ba bone, bakaedi kgotsa ka ditsela tse dingwe tsa go bega tse di leng gone. Polatefomo ya rona ya Go Bega Matshwenyego e gone go ka dirisiwa ke babereki, borakonteraka le balekane ba ka kwa ntle. Glencore e tsaya dilo tse go tshwenyegilweng ka tsone ka bomasisi le go berekana le tsone ka bofefo.

Glencore ga e emele gotlhelele kang ya go ipusolosetsa kgatlhanong le motho yo o buang ntle le go fitlha sepe kaga boitshwaro jo a dumelang gore ga bo supe maitshwaro a a siameng, ga ya kafa molaong kgotsa bo sa tsamaisane le Melao ya rona le dipholisi, tota le fa go tshwenyega goo go sena bosupi jo bo bonalang, fa fela ba sa dira pego ya maaka ka boomo ba itse.

Ditlamorago

Glencore e tsaya ka bomasisi go tlolwa ga Melao le dipholisi. Ditlamorago tsa go tlolwa ga pholisi eno go ikaegile ka go etegela ga tlolomolao, mme di ka simolola ka go tlhagisiwa go ya go go kobiwa mo tirong. Mo maemong a a rileng, go ka nna gape ga nna le maikarabelo a loago le/ kgotsa a bokebekwa.



Mafoko a konokono

TEKATEKANO YA DITSHONO

Tekatekano ya ditshono ke go netefatsa gore motho mongwe le mongwe o na le tshono e e lekalekanang ya go dirisa botshelo jwa bone ka botlalo le ditalente go sa kgathalesege lotso, mmala, bodumedi, bong, tshekamelo mo go tsa thobalano, boitshupo jwa bong kgotsa go itlhalosa, boemo jwa lelapa, boimana, dingwaga, tlhologo ya bosetšhaba kgotsa kokomana,

seemo sa bogole, leloko la babereki, tumelo mo dipolotiking kgotsa diponagalo dipe fela tse di sireleditsweng go ya ka molao.



Ditsompelo tse dingwe

MO KHAMPANING

Ditekanyetso Tsa Rona

Melao ya Boitshwaro

Tekanyetso ya Motlamedi

KA KWANTLE

Mokgatlo wa Boditšhabatšhaba wa Tiro wa Maitlamo a Melaometheo ya Botlhokwa le Ditshwanelo kwa Tirong

Boikaelelo jwa Rona

“Go batla dilo tsa botlhokwa
ka boikanyegi go tokafatsa
botshelo jwa letsatsi le letsatsi”

E NEETSWE KE: Lefapha La Merero Ya Tsa Koporasi
Ya Setlhopha
E NEETSWE KA: 01.06.2021
TOKOLOLO: 1.0

Pholisi eno e amogetswe ke Boto ya Bakaedi
ya Glencore plc.

Glencore plc
Baarermattstrasse 3
CH-6340 Baar
Switzerland

TEL +41 41 709 2000
FAX +41 41 709 3000
EMAIL info@glencore.com
WEB glencore.com